

Dioc'h tan an env. ar c'hlenved
 Diouallit hor buez ;
 Mes dreist-oll dioc'h ar pec'hed
 Ha dioc'h peb hudurnez
 Diouallit hor c'halonou ;
 Hag eun deis gant Jezus,
 Pa vezimp oll en Envou.
 Hor joa' vo hirbadus.

H. C.

IMPRIMATUR

Lambazellec, die, 12 Novembre 1909

A. GADON,

v. G.



 Librairie Le Meur, Pont-à-Abbé

+
 Da Zantez Mari Madalen


Penmarc'h

Var don : Guir vugale ar Verc'hez

Meuleudi d'ar Vadalen
 Da guenta pec'herez ;
 Mes deuet dre he finijen
 Ha dre he c'harantez,
 O veza kavet Jezus,
 Da veza ar c'haera skouer
 Eus trugarez burzudus
 Mab Doue hor Zalver.

Eun deis m'edo ar Messias
 Ouz taol eur Pharizian,
 Eur vaouez en he bleo noas
 A dosteas outhan ;
 Ha treac'hed gant ar glac'har
 Eveuz he fec'hejou
 En em strinkas d'an douar
 E kichen an Aotrou.

Staga' ra he muzellou
 Ouz treid sakr Mab Doue
 En deveus gant he daelou,
 A zired puill neuze.
 Gledied ken na voent guelc'hed
 Ha seac'hed gant he bleo,
 Ha gant kalz doujans skuilled
 Louzou c'houez vad varnho.



Dioc'h he guelede er stad-se
Ehars treid hor Zalver,
Ar Juzevien a zoueze
Heb kredi lavar guer ;
Dreist ar re all koulskoude
Unan, hanvet Simon,
Muioc'h-mui a ziskrede
E goeled he galon.

« Ah ! ma vije, emezhan,
Hennez eur guir Brophet,
Piou eo hounnez' zo ganthan
En dije mad gouezed ;
Ha n'en dije ket neuze
Lezed da douch outhan
Eur bec'herez evelse,
Bruded ker fall aman !

O veza raktal lenned
E kalon an den-ze,
Ha diganthan goulenned
Pehini a dlefe
Eus a zaou zleour pardoned
Muia trugarekaat :
« Heb mar an hini' vefet
Great dezan muia vad ? »

— « Mad ! eme neuze Jezus,
Daoust hag ar vaouez-se
Em eus dioc'h he stad mezus
Tenned, hag evit-se
En deus breman evidon
Brassa anaoudeguez
N'elfe ket rei d'am c'halon
Joa ha levenez ?

E guirionez, me lar deoc'h,
E baradoz va Zad
Netra na laka muioc'h
An oll da laouennaat
Egued guelede ar pec'her
A ioa bet fazied
O tizrei, hag o kemer
Hent ar guir eürusted.

Hirio eta en Envou
Elez hag arc'helez
A gano meuleudiou
Er vrassa levenez :
Ha daelou ar Vadalen
Skuilled var va z'reid-me
A roi sked d'he c'hurunen
Hed an eternite !

« Kalc' so dezhi pardoned
Dre m'hen deus kalz karet ;
Eun deis e vezo guelede
Etouez an Arc'heled. »
Evit guir, guelede a reer
Var an teil o tivoan
Bokedou koant ha seder,
Al lili ho-unan.

Santez Mari Madalen,
Hor Patronez kared,
Klevit breman hor peden
Hag hon hentchit bepred.
Ni ive' zo pec'herien,
Goulennit hor pardon ;
Ha ra vezo da viken
Da Jezus hor c'halon !